



Ad rūm-mugs-kāensā me tara zugdo wala we-rūmsā zudgo, rënd b sã n wa n wegme, maan-y-yã-a woto

Yii a Raafu' [bn Hadiig nengẽ (Wënd yard be a yĩnga) a yeelame: Tõnd rag n bee ne Nabiyaamã nengẽ (Wënd puusg la A tigr be a yĩnga) Zul Al-hulayfa, ti kom paam nebã, la b paama yugma la rūmsi. A yeelame: la Nabiyaamã (Wënd puusg la A tigr be a yĩnga) rag n bee nebã poorẽ, ti b yãg n koode, n roglg rugdã, ti Nabiyaamã (Wënd puusg la A tigr be a yĩnga) kit ti b kiblg rudgã, rẽ poorẽ t'a pu n rik rūms piig n makd ne yugemd a yembre. Ti yugemd a yembr yi arzekẽ wã n zoe, bi b bao-a n kong a yellã, la wed-moos sën da be nebã pugẽ rag n yaa bilfu, ti ned a yembr rik peemd n tão yugemdã, t'a yalse, rẽ poorẽ t'a yeele: «Ad rūm-mugs-kāensā me tara zugdo wala we-rūmsā zudgo, rënd b sã n wa n wegme, maan-y-yã-a woto», t'a Raafu' yeele, ad tõnd tēedame maa d yēsdame ti d na n yeka bæbã beoogo la tõnd ka tar suus ye, rẽ yĩnga d na n kooda ne kãnkãy bu? La Nabiyaamã (Wënd puusg la A tigr be a yĩnga) yeel yã: «Bũmb ning sën wıdem zum ti b yeel bismillaah, bi y ri, la ka yēnde, maa nus-yēes ye, la m na n kō-y-la kibare ne yel-kãngã, sã n yaa yēndã, yē yaa kōbre, la sã n yaa nus-yēesã, ad a yaa Habaša rãmb suuga».

[Naşun Şahuhun (Gom-sikdem sën manege)] [B zemsa taab a zugu (A Al-Buḥariy la a Muslim n reeg-a)]

A Raafu' [bn Hadiig (Wënd yard be a yĩnga) kōo kibare, ti bãmb rag n bee ne Nabiyaamã nengẽ (Wënd puusg la A tigr be a yĩnga) ti kom paam nebã, la mikame ti b paama Ganiim arzëgs kifr-rãmbẽ wã, sën yaa yugma la rūmsi, la nebã yãgame taoor ti Ganiimã na n ka pu, n yãgs n koode, n rugl rugdo, taoor ti b na n ka kos sor Nabiyaamã nengẽ (Wënd puusg la A tigr be a yĩnga). La Nabiyaamã rag n kēnda nebã poorẽ, la a sën wa n bãngã, a saglame ti b kiig bum ning sën be rugdẽ wã, rẽ poorẽ t'a pu arzekã nebã ne taab suka, n rik rūms piig n mak ne yugemd a yembre, la yugemd yi yugmã wã pugẽ n zoe, ti b bao-a n konge, la wiidi wã rag n yaa bilfu, sën na zoe n paam-a. Ti ned rik peemd n tão-a, ti Wënd yalsg-a. Ti Nabiyaamã (Wënd puusg la A tigr be a yĩnga) yeele: Ad rūm-kāensā sën yaa yir rūmsã, bãmb me tara zugd sën yaa weoogẽ rūmsã zugdo, la rüing ning sën wa n wila yãmb ti y bao a yellã n konge, bi y maan ne-a woto. T'a Raafu' yeele: ad tõnd tēedame ti d na n yeka bæbã beoogo, la d yēsdame, ti d suusã nõy na n mudame tõnd sën na n kood ne-ba, d leb n tara tulsem me n na n koode, la d ka tar suus ye, rẽ yĩnga, tõnd tõe n kooda ne kãnkaya siinesi la raado? La Nabiyaamã (Wënd puusg la A tigr be a yĩnga) yeele: bũmb ning fãa sën yiis zum, n wıdm-a t'a kiig wusgo, ti b yeel Wënd yuurã, sã n ka yēnd la nug-yēega, la m na n kōo yãmb sabab-kãngã: sã n yaa yēndã, yē yaa kōbre, la sã n yaa nus-yēesã, ad Habaša rãmb sën yaa kifr-rãmbã, yaa yē la bãmb koot ne.

النجاة الخيرية
ALNAJAT CHARITY

